

# Sample



Sample

December 12, 2012

#### Copyright information

This work is licensed under the Creative Commons Attribution-NonCommercial-NoDerivs 3.0 Unported License. To view a copy of this license, visit <http://creativecommons.org/licenses/by-nc-nd/3.0/>

**Contents**

## Asvɔn Wankláán Ání Mateo Lówanlín

### Bòhò Yesu Fé Owíe Yerusalem

(Marko 11:1-11; Luka 19:28-40; Yohane 12:12-19)

**21**<sup>1-2</sup> Bréá Yesu mva mu akasípú bebéen Yerusalem wúlu, beta Betfage wúlu ání ibv Nfó-nyíbu <sup>1</sup> ámu así wie tá á, olówa mu akasípú abanyó gyankpá. Odebláa amú obée, “Mliyo wúlu anfi ida mli ansító ánfisv. Ní mlowíe wúlu amv onó á, mlówun afrímú tsihé okvá oda ofétó, mu bi líi mu wá. Mlisanki mu, amlíkpa amú ba mli. <sup>3</sup> Ní okv ofité mli asvankv á, mlibla mu mliáa, ‘Ani Wíe dé amú híán.’ Inuvv obéha mlópv amú ba mli.”

<sup>4</sup> Inu léha Bulu asún amúv odeblí tsvn mu onósú otáípvsv amú léba mótó. Obée,

<sup>5</sup> “Mlibla Sionfo mliáa,

Mlíki, mli Wíe obá mli wá.

Ololwii, odin afrímúsú.

Odin afrímú ibi yínhésú obá.”

<sup>6</sup> Yesu akasípú abanyó amv boyóbwe alí amúv Yesu lébláa amú amv. <sup>7</sup> Bekpa afrímú mva mu bi amv ba, beyai amú atati dínká amúsú, olódu bian msv. <sup>8</sup> Odóm kpónkpónkpónkv beyai amú atati tswi okpató, akv é bebiabía afitáa bunbun okpa ámvto. <sup>9</sup> Odóm amúv bugya Yesu nkpa mva oma amv bósuvá okitikíti bée, “**Hosiána** há Dawíd mu na amv! Bulu oyúla owíe anfi obá mu dátó anfi! Hosiána bv osúsúsú!”

<sup>10</sup> Bréá Yesu lówie Yerusalem a, wúlu amvto féé leda kpokiti, budefité bée, “Ma gyí ohá anfi?”

<sup>11</sup> Odóm amúv bubuo mu amv bele mú onó bée, “Óni gyí Yesu, Bulu onósú otáípv amúv otsú Nasaret wúluá ibv Galilea omátó amv ni.”

### Yesu Bulu Otswékpá Yó

(Marko 11:15-19; Luka 19:45-48; Yohane 2:13-22)

<sup>12</sup> Múv Yesu lóyo **Bulu otswékpá** wunsinésú unv, yégya ató afepú pú ató ahópv féé dali. Olowuwúta kóba at-sépv mpúnú dá, súnsunki abróduvma afepú é mbíá dá. <sup>13</sup> Odebláa amú obée, “Bowanlín wá Bulu asún ámvto bée, ‘Béti mí otswékpá bée, mpái obókpa.’ Táme mliapú unv mli awikplu oñáinkpá.”

<sup>14</sup> Ansibi abwiepú pú abubúpv akv beba mu wá Bulu otswékpá wunsinésú unv, oletsá amú ilo. <sup>15</sup> Bréá Bulu **igyí** ahapú dehen pú Mose mbla asunápú amv bowun ofúla ání Yesu débwe, pú alí nyebí budekplón Bulu otswékpá wunsinésú unv bée, “Hosiána há Dawíd mu na amv!” a, obló lekítá amú. <sup>16</sup> Mú sv befíté Yesu bée, “Fumédenu asún ání nyebí anfi budebli?”

Yesu léle mú onó obée, “Ndenu. Mlumókúkla asún ání Bulu asún wanlínhé amv lébli? Obée, ‘Fasúná nyebí pú amúv bumókútín nyópv alí bukánfv fú.’”

<sup>17</sup> Yesu lédalí wúlu amvto sí amú yó Betania. Inú oledí eke amv ni.

### Ponto Oyí Lwú

(Marko 11:12-14, 20-24)

<sup>18</sup> Oyi kehe nyanki, bréá Yesu léyinkí obá Yerusalem a, akún de mu. <sup>19</sup> Mú sv bréá olowun pòntó kvá ilí mantáa okpa á, olebaí yó mú así. Olóyo á, omowun abí kuku mótó, afitáa sósón bv músú. Inu odebláa pòntó ámv obée, “Tsú nde fumétrá swie abí ekekeke!” Inuvv oyí ámu lówu.

<sup>20</sup> Mu akasípú amv bowun alíá oyí ámu labwé á, onó lobwie amú. Mú sv befíté bée “Ntogyi sú oyí anfi lawú otsáwule pé alí?”

<sup>21</sup> Yesu lébláa amú obée, “Onokwali nde mli bláa. Ní mloho Bulu gyi, mliumégvi nwéen a, mlétalí bwé itó anfi nabwé oyí anfi pú mva idun mu. Mlétalí bláa ibv anfi mliáa, ‘Puli yowie opvto.’ Ibópulí yó. <sup>22</sup> Ní mloho Bulu gyi, mlokólí mu tógyító á, mli ibi béda mú.”

### Yesu Túmi lwi Asvɔn Fitéhé

(Marko 11:27-33; Luka 20:1-8)

<sup>23</sup> Yesu léyinkí bowie Bulu otswékpá wunsinésú unv. Bréá ode ató suná á, Bulu igyi ahapú dehen pú Yudafo ahande amv beba mu wá. Befíté mu bée, “Ma léha fú okpa, fúde ntobí anfi bwe? Ma léha fú túmi?”

<sup>24</sup> Yesu léle mú onó obée, “Mí é nfíte mli asvɔn kua kvle. Ní mliélé mú onó á, nébláa mli túmi oduá ndepvbwé ntobí anfi. <sup>25</sup> Bulu wá Asú Obopú Yohane lénya túmi púvó ahá **asú**, ntée nyankpusa?”

Amú wulewule boyo asún ánfito bée, “Ní abli aniaa itsú Bulu wá á, obéfíté aní obée, mú ntogyi sú anumóho mu gyi? <sup>26</sup> Ntée abli aniaa, anyankpúsa wá itsú.” Táme bude tóá ahá tsotsotsó amv bóbwe amú ifú nya. Tsúfé amú féé bohogyi ání Bulu onósú otáípv Yohane gyí. <sup>27</sup> Mú sv bele mú onó bée, “Ohwée! Anuméyín otínéá olenya mu túmi tsú.”

Múv Yesu é lébláa amú obée, “Múv mí é mmébláa mli túmi oduá ndepvbwé ntobí anfi.”

### Oyin Okv Abi Anyo lwi Yébi

<sup>28</sup> “Mliyo asún ánfito amlíki. Oyin okv mva mu abi anyo betsiá. Eke okv olóyo yébláa odéhen obée, ‘Mí bí, nde yoyo agyúma mí ndoto ha mli.’ <sup>29</sup> Odebláa mu si obée, ‘Mmóoyo.’ Mú oma a, olelatse mu agywun, yó ndo ámvto. <sup>30</sup> Amú sí lénatí yó okvsv amv é wá yébláa mu alí kén. Okvsv amv lótsulá obée, ‘Mí sí, noyo.’ Táme omoyo.” <sup>31</sup> Inu Yesu léfíté ahá ámv obée, “Abi anyo ámvto omomv lóbwe dínká mu si asúnsv?”

Yudafo igyi ahapú dehen pú Yudafo ahande amv bebláa mu bée, “Odéhen amv.”

Múv Yesu lébláa amú obée, “Onokwali nde mli bláa. Lampoo ahópv pú obu-onó atsiápú bowie Bulu iwíegyi ámvto sí mli. <sup>32</sup> Tsúfé Asú Obopú Yohane lóbosuná mli tsiátó oduá ida okpa Bulu ansító, táme mliumóho mu gyi. Lampoo ahópv pú obu-onó atsiápú bóho mu gyi. Oma mliológwun ání amú kúráá batse a, mliumétse mli agywun ho mu gyi.

### Apafó Laláhe Akv

(Marko 12:1-12; Luka 20:9-19)

<sup>1</sup>21:1 Nf-nyíbu igyi obubwí k á b mantáa Yerusalem, b t t' m' Olifb.

<sup>33</sup> “Mlunu yébi iku é. Odotopu oku lódo wáun ndo. Olegyi iban bómli mú. Olokwi wáun amu onyimékpá. Olapwe obu fúáhé ku há ndo ámu agyópu. Múu olapu ndo ámu wá apafó ibito, olotu okpa yó omá ikuo.



Wáun Ndo ní. (Mateo 21:33)

<sup>34</sup> Bréa wáun-abí amu kpotíbi lófún a, olowa mu asúmpú apafó ámu wá obée, buyóho mu ogyíkpá ba mu. <sup>35</sup> Táme apafó ámu bekítá amú, dá okule, mó okule, dá okule é abwi. <sup>36</sup> Ndo mu wie amu létrá wa mu asúmpú bámbá áni butso dun agyankpapu amu. Apafó ámu bobwe amú é alí kén. <sup>37</sup> Mú tráhe kúrää á, olebli obée, ‘Oo, bóbu mí bí kwíhéhé mú.’ Mú su olowa mu é. <sup>38</sup> Táme bréa apafó ámu bowun mu bi ámu sísi á, bebláa aba bee, ‘Ónti obégyi mu si ató ní. Mliha amo mu, ménti ndo ámu ibémli ani klé.’ <sup>39</sup> Mú su bekítá mu, bítia mu dáli ndo ámu yómo mu.”

<sup>40</sup> “Ní ndo mu wie obá á, nto mlilahogyi mhaa, obóbwe apafó ánti?”

<sup>41</sup> Yudafo igyi ahapú dehen pú Yudafo ahande amu bele mú onó bee, “Obéha aha láláhe anfi bówu lowu sín-sín, obélapú ndo ámu wá apafó bámbá ibito. Amúá bétsiá pú mu ató-abí ba mu mú kpotíbi.”

<sup>42</sup> Múu Yesu léfité amú obée, “Ntée mlimókúkla Bulu asun wanlínhé amu kí? Bówanlín bee, ‘Ibwi ámuú obu ayípu bekiná ámu lébemli okonkísúbwi ní. Bulu lóbwe mú alí. Ibo wánwan.’

<sup>43</sup> “Mú su nde mli bláa mbée, Bulu obóho mu iwíegyi ámu lé mli ibito púhá omá áni bobwe tóá otekle.

<sup>44</sup> “Inu su ohá áni olédida ibwi ámu su obébiabía blúblúblúblú. Ní ibwi ámu isunkí dá okusu é á, ibókwe mu fikófikófikó fě nfúó. <sup>2</sup> ” <sup>45</sup> Bréa Bulu igyi ahapú dehen pú Farisifo ámu bonu Yesu ayébi anfi á, ilowankí amú áni amú ode. <sup>46</sup> Teki bekleá bekítá mu, táme benya ifú, tsúfě odóm amu butobú Yesu áni Bulu onósú otáipú ogyi.

**Otsikpaín Iwí Yébi**  
(Luka 14:15-24)

**22**<sup>1-2</sup> Yesu létrá bláa Yudafo igyi ahapú pú Yudafo ahande amu asún yébito obée, “Bulu iwíegyi ámu igyi fě asún ánti. Owie oku dé otsi kpaín há mu bi, <sup>3</sup> oleti ahá obée, bubá nke ámu asi. Bréa owie ámu lóbwe tá á, olowa mu asúmpú obée, buyéti ahá ámu abuba, táme bekiná bá. <sup>4</sup> Mú su olélawá mu asúmpú bámbá obée, ‘Mlitra yebláa ahá ámu mhaa, nabwé tógyító tá. Bamó mí nnantwie akponkponti ámu pú amúá bawá nfo, níná ató ámu fěé tá. Mú su bubá otsi okpaínkpá unv.’ <sup>5</sup> Táme ahá ámuú beyéti ámu bumekplá amú. Benatí sí amú yó amú agyúmasú. Aku benatí yó amú ndoto. Aku é benatí yó amú ibiá ogyíkpá. <sup>6</sup> Amú atráhe bekítá asúmpú amu, dá amú, mó amú. <sup>7</sup> Bréa owie amu lónu asún ánti á, obló lehíe kítá mu. Mú su olowa mu tsá akopú, boyómo ahá ámuú bomo mu asúmpú amu, wá amú wulu ogyá. <sup>8</sup> Múu

olebláa mu asúmpú bámbá obée, ‘Baníná otsikpaín atogyihe amu tá, táme ahá ámuú neti ámu bumofun ha mí wóyító ba. <sup>9</sup> Mú su mliwie awúluto, amliti ohagyíoha áni mlówun, oba otsi okpaínkpá unv.’ <sup>10</sup> Inu asúmpú amu bowie awúluto. Beti ohagyíoha áni bowun, aha wan-kláán pú aha láláhe fěé. Mú su ahá bobulá otsi okpaínkpá unv dédéédé.

<sup>11</sup> “Táme bréa owie amu lébeki ahá ámuú batí ámu a, olowun oyin okvá omowa otsikpaín nketo atadie. <sup>12</sup> Múu olefité mu obée, ‘Agya, nkáli ilóbwe fómowa otsikpaín nketo atadie asa feba nfi?’ Oyin ámu metálí lé mú onó. <sup>13</sup> Múu owie amu lélabláa mu asúmpú obée, ‘Mlklí mu ayabi pú mu ibi, amlitswi mu wa oklún amuto. Inú isú múa kpisií bu ní.’ ”

<sup>14</sup> Yesu lómo mu asún onó obée, “Bulu teti ahá tsot-sootsó, táme ahá kpalobí pé otelé.”

**Lampóoka**

(Marko 12:13-17; Luka 20:20-26)

<sup>15</sup> Farisifo ámu boyóbwe onó-okule áni bétetée Yesu onótó asún nú, abunya mu akítalé. <sup>16</sup> Mú su bowa amú akasípú pú Owie Herode ahá Yesu wá bee buyéfité mu bee, “Osunápú, anyin áni onokwalipu fúgyi, fútosuná Bulu asún ámu é onokwalisu. Futamahá ohaa otse fú agywun, tsúfě futamakí ohaa ansító. <sup>17</sup> Mú su anidé fú fité anu. Ani mbla léha okpa áni akáa lampóo ha Roma owie dehen Kaesare, ntée anumáka?”

<sup>18</sup> Táme Yesu lówun amú agywun láláhe amu. Mú su olefité amú obée, “Apinabwebí abwepú, ntogyi sú mlidé mí sóo kí? <sup>19</sup> Mlitsu kóba amúú butópúká lampóo amu iku ba mi anki.”



Lampóoka kóba ní. (Mateo 22:19)

Bopuba mu, <sup>20</sup> olefité amú obée, “Ma nwun pú mu dá dín músú?”

<sup>21</sup> Bele mú onó bee, “Kaesare.”

Múu olebláa amú obée, “Múmu mliwu tóá igyi Kaesare klé ha Kaesare, amlipu múa igyi Bulu klé é ha Bulu.”

<sup>22</sup> Yesu mbuai ánti lóbwie amú onó. Mú su benatí.

**Kusú Tsú Afúlitó Iwí Asun Fitéhé**  
(Marko 12:18-27; Luka 20:27-40)

<sup>23</sup> Eke ámu kén á, Sadukifo aku beba Yesu wá. Buggy opasua kúá butebli bee, kusú tsú afúlitó má unv. Befité mu bee, <sup>24</sup> “Osunápú, Mose lówanlín tswi ani obée, ‘Ní oku mua mu ka bumókwí asa olowu sí mu ka ámu a, mu pio otsú mu ka ámu tsia, fěkti okwu ha owupú ámu.’ <sup>25</sup> Oyin okule abí abasiénó aku betsiá. Amúto ogyankpapu létsiá oká, táme omókwí asa olowu. Mu pio lótsu osurapuka amu tsia, <sup>26</sup> táme mu é omókwí. Osaasi lótsu otsi ámu tsia. Mu é omókwí. Alu yótu osienósi amu. <sup>27</sup> Oma-oma a, osurapu mu é lóbowu. <sup>28</sup> Afúli okusúké a, amúto omómu obóbwe mu kulu? Tsúfě amú abasiénó ámu fěé betsiá mu.”

<sup>29</sup> Múu Yesu léle mú onó obée, “Megyi mli ológyi. Mliméyín Bulu asun wanlínhé amu ntée Bulu túmi. <sup>30</sup> Ní afúli bokúsú á, bóbwe fě Bulu-abopu. Buméetsiá aká múa akúlu. <sup>31</sup> Mlimókúkla asún áni Bulu onutó lébláa mli tsú afúlikusú iwí? <sup>32</sup> Bulu asun wanlínhé lébli obée,

<sup>2</sup>21:44 M't' yée 44 ma nw l' dada am ak t.

‘Mígyí mlt anáin Abraham mva Isak pú Yakob Bulu ámv nt.’ lni sv megyí awupú Bulu ógyi, aktankpapv Bulu ógyi.”

<sup>33</sup> Bréá odóm amv bonu asún ánfí á, mv atosunáhé anfi leha onó lobwie amv.

## **Bulu Mbla Ámútó Múá Idvñ**

(Marko 12:28-34; Luka 10:25-28)

<sup>34</sup> Bréá Farisifó bowun ání Yesu lalé Sadukifó ámv asún onó, asún lawú wá amv onó á, bekpa aba ya Yesu wá. <sup>35</sup> Amútó okuleá ogyi mbla osunápú léfité Yesu asún, opvso mv kt. <sup>36</sup> Oléfité Yesu obée, “Osunápú, Bulu mbla ámvto mómú dún?”

<sup>37</sup> Yesu lébláa mv obée, “Pv fú klvñ, fú okláa pú fú agywun fée dwe fú Wie Bulu.” <sup>38</sup> lni gyí mbla ámvto gyankpapv ání idvñ mv fée ní. <sup>39</sup> Nyosv é igyi fē mv. ‘Dwe fú bá fē fú iwí.’ <sup>40</sup> Mose Mbla pú Bulu onósú atóipú amv atosunáhé fée ulí mbla anyo ánfísv.”

## **Ma Gyí Kristo Amv?**

(Marko 12:35-37; Luka 20:41-44)

<sup>41</sup> lniá Farisifó ámv bebefia sí bulí sv á, Yesu léfité amv obée, <sup>42</sup> “Nkálí mlidé Kristo, (ohá ámvú Bulu ladá mv ofúli amv) iwí gywín? Ma mv na ní?”

Bebláa mv beé, “Owie Dawid mv na ní.”

<sup>43</sup> Olélafité amv obée, “Mú ntogyi sú Oje Wankihé léha Owie Dawid létu mv obée ‘Mí Wíé?’ Tsúfē Owie Dawid lébli obée,

<sup>44</sup> ‘Aní Wie Bulu lébláa mí Wie obée,

Tsia mí gyopvsv nfi

yófun bréá néha fetsatsáa fú alupúsú?”

<sup>45</sup> Ní Owie Dawid onutó létu ohá anfi Bulu ladá ofúli anfi obée, mv wie a, nkálí sú otráa ogyi mv na?”

<sup>46</sup> Amútó okvkv mētalí lé mv onó. Tsú eke ámv a, ohaa mētrá wa klvñ fité mv asvansv.

## **Mose Mbla Asunápú Pú Farisifó Tsiátó**

(Marko 12:38-39; Luka 11:43, 46; 20:45-46)

**23**<sup>1</sup> Asún ánfí oma a, Yesu lébláa odóm amv pú mv akasípú amv obée, <sup>2</sup> “Mose mbla Farisifó pú Mbla asunápú amv budesuná. <sup>3</sup> Mú sv mlgýi amv asvñ blíhé fēésú, táme mlu mátsiá amv atsiábi. Tsúfē butamagyi amv onutó asvñ blíhésv. <sup>4</sup> Butópú ato dwindwín sūrā ahá, táme amv onutó butamapú osrebi okvle kúrāá tsá amv tsu. <sup>5</sup> Butóbwe amv tógyitó ahá ansísú. Butówánlín Bulu asún dínká tati téihésv, púklí amv osvkv pú amv bina íbasv. Butólú nfē tíntíntín síánsián amv atadié onó.



Farisiyin nt. (Mateo 23:5)

<sup>6</sup> Butekle otsiákpá yilé tsiá nke ogyíkpá pú Yudafo Ofiakpa. <sup>7</sup> Bedáli yo dunsv á, butekle beé ahá butí amv beé, ‘Asunápú,’ abvñun ha amv itsiá. <sup>8</sup> Mli fēé á, apió mlgýi. Mú sv mlu máha abvti mlto ohaa osunápú. Obakvle pé gyí mli osunápú. <sup>9</sup> Alí kén mlu máti ohaa mli sí osvlov anfvsv ní. Tsúfē Osí okvle pé mlvb, osv osvósú. <sup>10</sup> Tráhetráhe a, mlto ohaa máha abvti mv nkpá ogyápv.

Tsúfē nkpá ogyápv okvle pé mlvb. Mvgýi Kristo, (ohá ámvú Bulu ladá mv ofúli amv). <sup>11</sup> Mlto ohande obwée mli osvmpú. <sup>12</sup> Tsúfē fúá fotsu iwí á, Bulu obéba fv así. Fúá feba iwíasi é á, Bulu obótsu fv fúá.

## **Apinabwebí Abwepú**

(Marko 12:40; Luka 11:39-42, 44, 52; 20:47)

<sup>13-14</sup> “Mli Farisifó pú Mose mbla asunápú, apinabwebí abwepú, mlgýwv ní. Mlilatin Bulu iwíegýi ámv okpa wá ahá. Mli onutó mlu mēdēkléá mlówie unv, mlidé ahá ání bvdē mbódí bō beé bōwie unv é okpa tíin. <sup>3</sup>

<sup>15</sup> “Mli Farisifó pú Mose mbla asunápú, apinabwebí abwepú, mlgýwv ní. Tsúfē mltefá ulín fá osv, dú ibv kplí ibv há oha tedámlí klvntó. Táme ní odámlí klvntó tá á, mlitelábwe mv otemlí isvbtí ogyá ání itamaduntó osvópú dvn mli onutó.

<sup>16</sup> “Ansibi abwepú ání mlidé ahá kpa, mlgýwv ní. Mluteblí mliáa, ‘Ní okv oká Bulu otswékpá obu ámv ntm a, imehián ání obégýi músú. Táme ní oká sika pepe atóá ibv otswékpá obuto unv mv ntm a, ilehián ání obégýi músú.’ <sup>17</sup> Ansibi abwepú! Aha mimláhe! Mútó mómú bv labi dvn? Sika pepe ató ámv lóó, ntée Bulu otswékpá obu ámvú ilahá sika ámv lamli Bulu klé amv? <sup>18</sup> Mlute-tráa blí mliáa, ‘Ní okv oká afódie-asubwi ntm a, imehián ání obégýi músú. Táme ní oká afódie-abotó ámv ntm mv á, ilehián ání obégýi músú.’ <sup>19</sup> Ansibi abwepú! Mútó mómú bv labi dvn? Afódie-abotó ámv ntée afódie-asubwi ámvú ilahá mv ilamli Bulu klé amv? <sup>20</sup> Ní feká afódie-asubwi amv ntm a, faká ibwi ámv pú atóá idvñ músú fēé ntm. <sup>21</sup> Ní feká Bulu otswékpá amv ntm a, faká Bulu mva mv otsiákpá ntm. <sup>22</sup> Ní feká osvósú ntm a, faká Bulu mva mv owie obiá ntm.

<sup>23</sup> “Mli Farisifó pú Mose mbla asunápú, apinabwebí abwepú, mlgýwv ní. Mluteye mli otvtsú pú kpántánpplamá ana fēétó idú, pú idúsí há Bulu. Táme mlu mēdē Bulu mbla ámvú thie dehián, igyi asvngýi onokwalísv, aba nwewúun pú onokwaliwa ámvsv gyi. Múdehián ní, táme mlu mákiná iyétó dúsi amv é ha. <sup>24</sup> Ansibi abwepú ání mlidé ahá kpa, mlgýwv ní. Mlto-tsó mbépi lé opvtsútó, táme mltemé mbéwun.

<sup>25</sup> “Mli Farisifó pú Mose mbla asunápú, apinabwebí abwepú, mlgýwv ní. Tsúfē mltofwí mli nwe pú mli nlepe oma wankláán, táme atóá mlupú owi mva osvpe swíí ahá sóón bv mótó. <sup>26</sup> Farisifó ansibi abwepú, mlgýwv ní. Tsúfē mli nlepe ámvto, mv oma é bētn.

<sup>27</sup> “Mli Farisifó pú Mose mbla asunápú, apinabwebí abwepú, mlgýwv ní. Mlilabwé fē ntsán ání bakpá mv afá futútúútú, mv iwí lawá akíle. Táme mótó mv á, afúli awú pú ato plóhé sóón bō mv. <sup>28</sup> Alí kén mlgýi ní. Ahá butekí mli ání mlgýi yilé abwepú. Táme mli klvntó mv á, apinabwebímv mva lalahēbwe sóón bō mv.

## **Bulu Isvbtí**

(Luka 11:47-51)

<sup>29-30</sup> “Mli Farisifó pú Mose mbla asunápú, apinabwebí abwepú, mlgýwv ní. Tsúfē mltovpwé Bulu onósú atóipú pú yilé abwepú ámvú betsiá ámv ntsán, lá mv iwí wankláán, blí mliáa, ‘Ní anlétsiá aní anáin brésú asa bōmv Bulu onósú atóipú anfi á, teki anumówa ibi mótó.’ <sup>31</sup>

<sup>3</sup>23:14 M' t' yée 14 b nw' l' dada am kt : Ml Farisif p' Mose mbla asunáp, apinabw bí abw p', mlg yw n'. Ml t l' ahát b' mpá t' nt' nt' n, tám ml t sw' as rap am wóyí p' am at f' '. 'n s Bulu b' b' t ml s d n aha tráh .



Mli asvñ blíhé anfi désuná ání mligyí Bulu ɔ́nósú atóipú amɔpú ámv abí-aná ní. <sup>32</sup> Mliwuna yɔ́ músú, amlumɔ mli anáin bwehé ámv ɔ́nó. <sup>33</sup> Awo, abe abí-aná! Mlétalí sri sí ipón ámvú Bulu ɔ́béha mli, kpá mli wá isvbití ogyá ámvú itamaduntɔ́ ámv? <sup>34</sup> Mú sv nde Bulu ɔ́nósú atóipú, anyansapv pú Mose mbla asunápú wa sísí mli. Táme mlómɔ́ akv, dá amútó akv mántá oyikpalíhesv. Mlónwen amútó akv mpli mli ofiakpa, dínká akvsv tsú awúlusv yó awúlusv. <sup>35</sup> Ínì sv yilé abwepú ámvú mliá mli anáin mliámó tsú **Habelsv** bɔ́fɔn Sakaria, ogyi Barakia mv bi ámvú mliámɔ́ Bulu ɔ́tswékpa obu múa **afɔdie-asubwi**

amv nsiné ámv fée obugya béba mli sv. <sup>36</sup> Ɔ́nɔkwali nde mli bláa. Ínì aná fée sv Bulu isvbití béba mli ndemba-abí ánfisv ní.

**Yerusalemfo lwi Ɔ́dwe**  
(*Luka 13:34-35*)

<sup>37</sup> “Óo Yerusalemfo, Yerusalemfo! Mlitómó Bulu ɔ́nósú atóipú, dá abí ání Bulu lawá sísí mli abwi mó ní. Ntekleá nóbun mli abísú brégyíbré, fée aliá bate tobun mv abísú, táme mli tamahá mí ɔ́kpa. <sup>38</sup> Mliki, Bulu obési mli ɔ́tswékpa tswi mli, ibédi kpan. <sup>39</sup> Tsúfée nde mli bláa mbéé, mli méetrá wun mi ekekeke, yó fɔn ekeá mli éblí mliáa, ‘Bulu oyúla ɔ́há ámvú ɔ́bá mv idátó.’ ámv.”